



UNIVERSITÄTS-
BIBLIOTHEK
PADERBORN

**Veritates Æternæ Ex Prima Hebdomade Asceseos
Jgnatianaè Petitæ**

Vogel, Matthäus

Constantiæ, 1731

De fine Hominis à Deo creati.

[urn:nbn:de:hbz:466:1-60667](https://nbn-resolving.org/urn:nbn:de:hbz:466:1-60667)

Pro felici successu hujus negotii ora: Veni Creator Spiritus: Litanias de omnibus Sanctis, & præcipuâ quadam devotione Lauretanis de B. Virgine. Ordinem diei, quem observare possis, confice, sic ut manè præter horam Considerationis, des etiam horam examinandæ conscientiæ; tantum item à prandio: interponens hinc inde preces vocales Rosarii, Officii Mariani, auditionem Missæ &c.

Consideratio I.

De fine hominis à Deo creati.

Antequam eam incipias, recita orationem hanc:

O Beata Trinitas, unus Deus, miserator longanimis & multum misericors, in cujus conspectu sum prostratus; loquar ad Te Dominum meum, & audiam, quid loquaris ad me; cum sim pulvis & cinis, indignus conspectu tuo propter innumera peccata mea, de quibus doleo. Nihil sum, nihil possum ex me, in te verò omnia. In manibus tuis sum: tu mecum fac hac horâ, & in æternum, sicut scis & vis, modò gratiâ tuâ nunquam destituar. Trahe, accende & illumina me ad amandum & glorificandum te: attentè & devotè orare jubes; da quod jubes, & jube, quod vis. **O** Pater Sancte; tibi consecro memoriam meam: reple illam cogitationibus sacris, roburque in
cis

eis & constantiam largire. O Fili Dei-vivi!
 Tibi consecro intellectum meum : illumina
 eum luce veritatum æternarum, & earum mihi
 sensum tribue. O Spiritus Sancte, tibi con-
 secro voluntatem : accende illam ferventibus
 affectibus, eamque ita fove, ut nunquam in
 eis tepescat. O B. Virgo Mater Dei & ho-
 minum, adsis mihi in hora hac: Tu Mater
 gratiæ, dulcis parens clementiæ, tu me ab hoste
 protege, & mortis horâ suscipe. Angele Dei,
 qui custos es mei, me tibi commissum pietate
 supernâ, hac horâ custodi, illumina, rege, gu-
 berna. Omnes Sancti Patroni mei, adeste
 mihi & intercedite pro me!

*Hac oratio si fusior tibi est, recita Hymnum:
 Veni Creator Spiritus. Et hoc agendum est ante
 quamvis Considerationem.*

Recitatâ Oratione, imaginare tibi, te sisti ab
 Angelo tuo Custode coram throno Sanctissi-
 mæ Trinitatis, & ostendi tibi omnes Angelos
 & beatos, qui Deum ceu Finem & principium
 suum maximâ reverentiâ adorant. Roga gra-
 tiam agnoscendi Finem tuum paucis illis verbis:
Notum fac mihi, Domine, Finem meum.

Pars I.

Finis hominis in hac vitâ:

Doctrina. Creavit te Deus, mi Studiosè:
 eduxit te è nihilo: dedit vitam, quam ha-
 bes: dedit corpus: dedit animam: Animam,
 spiritum nobilissimum: instruxit eam dotibus
 us,